

Kommuneqarfik Sermersooq

Aamma

Namminersorlutik Oqartussat akornanni

Majoriamut tapiissutinik

isumaqatissiissut

2026

Majoriamut tapiissutinik isumaqatigiissut

Ilitsersuinermit piginnaanngorsaanerullu tunngasortaanut tunngatillugu Majoriamut tapiissutinik isumaqatigiissut 2026-imut

Tabel 1	Tilskud		Elever
	<i>kr.</i>	<i>Refusion</i>	<i>antal</i>
Ingerlatsinermit tapiissutit Tasiilaq	1.722.281		35
Ingerlatsinermit tapiissutit Ittoqqortoormiit	1.448.346		14
Ingerlatsinermit tapiissutit Paamiut	1.508.939		28
Ingerlatsinermit tapiissutit Nuuk	4.076.637		80
I alt	8.756.202		244

* Ilinniartorisassat arfinillit assigaat qaammatini pingasuni ingerlatami ilinniartut 20-t

2026-mut tamakkiisutut ingerlatsinermit tapiissutit 8.756.202 kr.-nut naatsorsorneqarput.

Ulloq 1. februaari 2026-mi 6.129.342 kr. Akiliutaapput, taakku assigaat ingerlatsinermit tapiissutit tamakkiisut 70 %-ii.

Sinneruttut 30 %-it, 2.626.861 kr., 2026-mi kvartalit sisamaanni akiliutaassapput, tassani tunngavigineqassalluni isumaqatigiissutigisatut naammassisassatut angusassaq kommunimit anguneqarsimanersoq.

Malugiuk: Ingerlatsinermit tapiissutinik illoqarfinnik immikkoortiterinerup najoqqutassaliiginnarnera. Illoqarfinni ataasiakkaani tamakkunani pisariaqartitsinerit tamakku malillugit aningaasaliissutit kommunip agguataarsinnaavai.

Kommunalbestyrelsip nalunaarut piffissaq eqqorlugu nassiutinngippagu, imaluunniit amigaateqartillugu nassiuppagu kingunerititatut ingerlatsinissamut tapiissutinit 30 %-it sinneruttut uninngatinneqarsinnaapput.

Ilinniartuutigisassat

Majoriami piginnaanngorsagaanissamik qinnutiginnittut tigusinnaasatut amerlassusaannut ilinniartunut tapiissutit akuerineqartarput. Ilinniartuutigisassat isumaqatiginninniutaasarput, ukiumullu ataasiarluni naatsorsuutigisatut ingerlatsinissamut tapiissutinik nalunaaruteqarnermut atatillugu aalajangerneqartarlutik.

Ilinniartuutigisassat amerlassusaannik iluarsiinissamik pisariaqartitsisoqartoq kommunalbestyrelse isumaqassappat tamanna pillugu naalackersuisoqarfimmut tunngavilersuutitaqartumik allakkatigut qinnuteqaammik nassiussaqsinnaavoq. Qinnuteqaatip imarissavai ilinniartuutigeriikkanik atuinermut, ilinniartitsisorisanut, kiisalu inissanut tunngasutut piukkunnaatinut piginnaasaqassutsinullu tunngasutut nassuiaatit. Ilinniartuutigisassat amerlassusaannik iluarsiinissaq pillugu qinnuteqaatinik naalackersuisoqarfik nalilersuiuartarpoq.

Agguaqatigiissillugu qaammatini qulini piginnaanngorsarfigisassanik ilinniartuutigisassanut tamakkiisunut, assigalugit ilinniartut 244-it, 2026-mut kommune akuersissuteqarfiuvoq.

Tiguneqarnissaminnut piumasaqaatinik pigisaqareersunut inuit iliuusissatut pilersaarumminni ilinniakkamut tiguneqarnissaminnik kissaateqartut ilinniartutut tapiissutininik tunineqarsinnaanngillat, taamaattorli atugassarisat tamatumingga pissusissamisoortitsissappata immikkut ittumik ilinniartumut tapiissutissanut qinnuteqartoqarsinnaavoq.

Ilinniartuutigisassatut akuerisaasut Isumaginninnermut, Suliffeqarnermut Nunamullu Namminermut Naalakkersuisoqarfilla akiligassartaasigut isumannaarfigineqassapput.

Ilinniartuutigisassap ataatsip assigaa ilinniartuq ataaseq, qaammatini qulini pissarsisoq.

Assersuutit:

- Tamatuma assigissavai assersuutigalugit ilinniartut marluk qaammatini tallimani ilinniartunut tapiissutininik pissarsissappata ataatsimik ilinniartuutigisaqarneq.
- Ilinniartut tallimat qaammatini marlunni ilinniartunut tapiissutininik pissarsissappata assigissavaa ilinniartuutigisassaq ataaseq.

Atortuulerfia, piffissaq atuuffia, isumaqatigiinniaqqittarneq aamma atorunnaarsitsisarneq

Isumaqatigiissut manna ullormit 1. januaari 2026-mit atuutilerpoq, atuuffigaalu piffissaq 1. januaari 2026-31. decembari 2026.

Naammassisassatut isumaqatigiissummut matumunnga naleqqiullugu isumaqatigiissuteqarfittut piffissap iluani annertuunik allannguutit pissappata isumaqatigiissutip isumaqatiginninniutigeqqinnissaanik qaammatinik pingasunik killiliiffigisamik illua'tungeriit ataasiakkaat tamarmik piumasaqaateqarsinnaapput. Isumaqatigiissutip isumaqatigiinniutigineqaqqissinnaanerata kingunerinngilaa naammassisassatut isumaqatigiissummik unioqqutitsinerit tunngavigalugit suliassanngortitsisinnaanerup killilerneqarnissaa, takuuk imm. 11 naammassisassatut isumaqatigiissummi.

Minnerpaamik qaammatit arfinillit sioqqullugit kalerriutigalugu isumaqatigiissut illua'tungeriinnit tamanit atorunnaarsinneqarsinnaavoq. Isumaqatigiissut una atorunnaarsinneqassappat naammassisassatut isumaqatigiissut atorunnaasaaq.

Naammassisassatut isumaqatigiissut atorunnaarsinneqarpat una majoriamut tapiissutininik isumaqatigiissut atorunnaasaaq.

Namminersorlutik Oqartussanut

Naalakkersuisoq

Ulloq

Atsiorneq

28/1-26




Kommuneqarfik Sermersuumut

Borgmester

Ulloq

Atsiorneq

24/1-26



Kommuneqarfik Sermersooq
Borgmester
Avaaraq Olsen